

Kalaallit Nunaanni Pinerluttunik Isumaginnittuni inissat amerlineqarnissaasa suliarineqarnissaat

3. oktober 2025

Pillaasarnerup aaqgissuussivigeqqinneqarnera aamma pinerluttunik isumaginnittut 2026-imiit 2030 ilanngullugu aningaasaqarnerat pillugit isumaqatigiissutikkut inissaqartitsiniarnermut unammilligassat, Kalaallit Nunaanni Pinerluttunik Isumaginnittut massakkut piffissarlu sivisunerusoq eqqarsaatigalugu isiginiagassaasa isumagineqarnissaannut, Kalaallit Nunaanni inissiisarfinni inissat (ammasut matoqqasullu) nutaat 70-it pilersinneqarnissaat aalajangerneqarpoq.

Pinerluttunik Isumaginnittut oqallissaarusiaat tunngavigalugu aamma tulliusumik Inatsiseqarnermut ministereqarfiup Naalakkersuisullu akornanni oqaloqatigiinnerup kingorna, inissat 70-iusunik amerlineqarneri tulluuttunik agguarneqarnissaat suliniutiginiarneqarpoq:

- Nuummi inissiisarfik: Inissat ammasut 16-it + inissat matoqqasut 18-it (tigummineqarallartussanut immikkoortortaqaqfimmi inissat matoqqasut)
- Qaqortumi inissiisarfik nutaaq: Inissat allanngorarsinnaasut 20-it (inissat allanngorarsinnaasut 30-it pilersinneqassapput, tamatumalu peqatigisaanik inissat 10-it ammasut atorunnaarsinneqassapput)
- Sisimiuni inissiisarfik nutaaq. Inissat allanngorarsinnaasut 16-it (katillugit inissat allanngorarsinnaasut 25-it pilersinneqassapput, tamatumalu peqatigisaanik inissat matoqqasut 9-t atorunnaarsinneqassapput)

Taamaalilluni ilanngaataqanngitsumik inissat allanngorarsinnaasut 55-it pilersinneqassapput (ilanngaatissat ilanngaatigereerlugit inissat allanngorarsinnaasut 36-it), taakkunanngalu arlallit inissatut matoqqasutut atorneqarsinnaasussaassapput. Piffissami ataatsimi inissat allanngorarsinnaasut inissatut matoqqasutut atorneqarsinnaasussaannerat Pinerluttunik Isumaginnittut massakkuugallartoq naatsorsorsinnaanngilaat. Ilaatigut ammasuni inissinneqarsimasut qassit, pinerluttunik isumaginnittut iluanni sulisinneqarnissaasa tassunga apeqqutaanera pissutaavoq.

Inissat amerlineqarnerisa erseqqinnerusumik atulersinneqarnissaat pillugit allaaserinninneq ataani takuneqarsinnaavoq. Piffissanut missingersuutitut taaneqartunut tunngatillugu, sanaartornerit naammassineqarnerisa, aamma sanaartornerit ingerlatsinermit tunniunneqarnerisa kingorna, inissat misissorneqarnerannut piareersarneqarnerannullu qaammatip ataatsip missaa atorneqassammat, maluginiarneqassaaq. Misilittakkat malillugit sanaartornerit kinguaattoorfiunissaat annertuumik aarlerinaateqarmat, aammattaaq maluginiarneqassaaq. Sulisut gruppiisa arlallit iluanni sulii amerlanerusunik inuttalersuinissamik pisariaqartitsineq, inissat amerlineqarnerisa kingunerissavaat, matumani pinerlussimasunut inissiisarfimmi nakkutilliisut aamma sulisut inissinneqartunik sulisitsiniaasussat ilanngullugit.

Nuummi Inissiisarfiup ilaneqarnera

Nuummi Inissiisarfimmi immikkoortut piusut inissanik katillugit 34-inik, ima agguarneqartunik ilaneqassapput, immikkoortortaarfik A-mi (tigummineqarallartussanut immikkoortortaarfimmi inissat matoqqasut) 18-it, immikkoortortaarfimmi B-mi inissat 8-t ammasut aamma immikkoortortaarfik C-mi inissat ammasut 8-t.

Immikkoortortaarfik A-mi inissanik matoqqasunik 18-inik pilersitsinissaq aallartitsinissaq pillugu aalajangiinnerminngaanniit qaammatit 42-t missaannik sivilissuseqassasoq, taakkunannga qaammatit 18-t pilersaarusiornermut aamma qaammatit 24-t suliarineranut, pinerluttunik isumaginnittut nalilerpaat.

Immikkoortortami B-mi inissanik ammasunik 8-nik pilersitsinissaq aallartitsinissaq pillugu aalajangiinnerminngaanniit qaammatit 33-t missaannik sivilissuseqassasoq, taakkunannga qaammatit 18-t pilersaarusiornermut aamma qaammatit 15-t suliarineranut, nalilerneqarpoq.

Immikkoortortami C-mi inissanik ammasunik 8-nik pilersitsinissaq aallartitsinissaq pillugu aalajangiinnerminngaanniit qaammatit 33-t missaannik sivilissuseqassasoq, taakkunannga qaammatit 18-t pilersaarusiornermut aamma qaammatit 15-t suliarineranut, nalilerneqarpoq.

Qaqortumi inissiisarfirmik nutaamik pilersitsinissaq

Inissanik allanngorarsinnaasunik ammasunik 30-inik nutaanik, aqutsivinnut pingasunut atorpeqarsinnaasussaasunik, - imaappoq immikkoortumik ammasumik, immikkoortumik matoqqasumik (tigummineqarallartussanut immikkoortoq matoqqasuunngitsoq) aamma tigummigallarneqartunut immikkoortumik, Qaqortumi inissiisarfirmik nutaamik pilersitsisoqassaaq. Tamatuma peqatigisaanik Qaqortumi inissiisarfik, inissanik ammasunik 10-nik inissaqartoq, massakkut piusoq atorunnaarsinneqassaaq. Taamaalluni inissat inissanik 20-inik ilaneqarnerat uani pineqarpoq.

Inissiisarfirmik nutaamik pilersitsinissaq aallartitsinissaq pillugu aalajangiinnerminngaanniit qaammatit 42-t missaannik sivilissuseqassasoq, taakkunannga qaammatit 18-t pilersaarusiornermut aamma qaammatit 24-t suliarineranut, pinerluttunik isumaginnittut nalilerpaat.

Sisimiuni inissiisarfirmik nutaamik pilersitsineq

Inissanik allanngorarsinnaasunik ammasunik 25-inik nutaanik, aqutsivinnut pingasunut atorpeqarsinnaasussaasunik, - imaappoq immikkoortumik ammasumik, immikkoortumik matoqqasumik (tigummineqarallartussanut immikkoortoq matoqqasuunngitsoq) aamma tigummigallarneqartunut immikkoortumik, Sisimiuni inissiisarfirmik nutaamik pilersitsisoqassaaq. Tamatuma peqatigisaanik Sisimiuni inissiisarfik, tigummigallagassanut immikkoortortaarfimmi 9-nik inissaqartoq, massakkut piusoq atorunnaarsinneqassaaq. Taamaalluni inissat inissanik 16-inik ilaneqarnerat uani pineqarpoq.

Inissiisarfirmik nutaamik pilersitsinissaq aallartitsinissaq pillugu aalajangiinnerminngaanniit qaammatit 42-t missaannik sivilissuseqassasoq,

taakkunannga qaammatit 18-t pilersaarusiornermut aamma qaammatit 24-t suliarineranut, pinerluttunik isumaginnittut nalilerpaat.

Nuummi inissiisarfitoqqap utaqqiisaagallartumik atorneqarnissaa

Nuummi inissiisarfitoqqami inissat utaqqiisaagallartumik atorneqartussat 12 pilersinneqassapput, taakkulu inissat ataavartut amerlanerusut pilersinneqarnissaasa tungaannut atorneqarsinnaapput. Pillaatissanik atuinissamut aqutsiviit sorliit (ammasut, matoqqasut imaluunniit tigummigallaaviit) utaqqiisaagallartumik inissanut atorneqassanersut suli isummerfigineqanngilaq, kisianni inissat siunertanut pisariaqartitsiviunerpaatut nalilerneqartunut atorneqarsinnaasussaapput.

Inissiisarfitoqqami inissanik 12-nnik pilersitsineq aallartitsinissaq pillugu aalajangiinermingaanniit qaammatit 16-t missaannik sivilissuseqassasoq, taakkunannga qaammatit arfineq pingasut pilersaarusiornermut aamma qaammatit arfineq pingasut pisariaqartinneqartumik iluarsaassinerit suliarineqarnissaannut atorneqassasut, pinerluttunik isumaginnittut nalilerpaat.